



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus III. De exceptionibus dilatorits.

---

[urn:nbn:de:hbz:466:1-73001](#)

cum fidem cautionis agnoscens, etiam solutionem portionis debiti, vel usurarum feceris, intelligis, te de non numerata pecunia nimium tardè querelam deferre. Demum, si transactio intervenit, L. 11. C. eod. ibi: si transactionis causâ dare Palladio pecuniam stipulanti spondisti, exceptione non numerata pecunia defendi non potes.

2212. Si autem Debitor, vel negans Scripturam, vel pecuniam accepisse, convincatur, dubitari potest, quæ sit ejus pena? Resp. eam declarari in Authent. desumpta ex Novella 18. c. 5. quæ sic habet: qui propriam Scripturam, qua convenitur, abnegat, vel numerationem inficiatur, convertitus in duplum condemnetur, nisi Sacramento illato confiteatur. Tunc enim non punitur, nisi in expensas circa probationes factas, Actoris juramento declarandas. At, si post numerationis inficiationem prætendant solutionem; omnino solidum exigitur, nec prodest jam facta solutio. Contra, si Actor literas suas à Reo prolatas abneget, eadem sit & pena, & jurisjunctandi forma.

2213. Quinta demum exceptio est, pacti de non petendo. Si pactum sit de nunquam petendo, Creditor censetur remittere debitum; &c. si deinde peteret nihilominus, merito illi opponeretur exceptio talis pacti, quæ probatā prius elideret intentionem, & actionem Creditoris; si autem sit præcisè pactum non petendi, potest variōs habere sensus. 1. non petendi, nisi tempore, quo alias mutuum consuevit solvi; 2. non petendi in propria persona sua; 3. non petendi à persona ipsius debitoris; in tali casu non esset locus exceptioni de non petendo v. g. ubi venit tempus consuetum pro solutione mutui, nec etiam si peteret ab hæreditibus debitoris; aut si peterent hæredes Creditoris, quia pactum ponitur non porrigi ad istos casus: in dubio autem, quæ intentione pactum conceptum sit? Resp. ex L. 7. alias 8. §. 3. ff. de pact. presumi, conceptum animo, remittendi debitum; pactorum enim, ut dicitur cit. L. quædam in rem sunt; quædam in personam. In rem sunt, quoties generaliter pacificor, ne petam: in personam, quoties ne à persona petam, id est, ne à Lucio, Titio, petam. Utrum autem in rem, an in personam pactum factum sit, non minus

ex verbis, quam ex mente convenientium estimandum est. Plurimique enim persona pacto inseritur, non ut personale pactum fiat, sed ut demonstretur, cum quo pactum factum est.

### ARTICULUS III.

De exceptionibus dilatoris.

E Xceptiones dilatoria, §. 8. & 9. in 2214. sit. h. t. vocantur temporales; peremptoria autem perpetuae. Perpetuae sunt, quæ semper agentibus obstant, & semper rem, de qua agitur, perimunt; qualis est exceptio doli mali, & quod metus causa factum est, & pacti conventi, cum ita conveniret, ne omnino pecunia detur. Temporales atque dilatoria sunt, quæ ad tempus nocent, & temporis dilationem tribuunt, qualis est pacti Conventi, cum ita convenerit, ne intra certum tempus ageatur, velut intra quinquennium. Ex hoc colligitur, rationem perpetui, & temporalis hic non desumi à tempore, quod ejusmodi actiones durant; sed ab eo, quod dilatoria actionem non omnino pertinant; secus peremptoria; unde & istæ dantur quandoque non semper, sed solum ad certum tempus; & illæ subinde etiam in perpetuum, nimirum, ut nullo tempore exspirent.

Quid porro, & quotuplex sit exceptio 2215. dilatoria? constat à n. 2189. Ex his prima est exceptio declinatoria fori, seu incompetencia, de quæ diximus à n. 2194 circa istam exceptionem quæstio est. 1. quando ea opponi debeat? 2. qualiter proponi debeat? 3. an Judex super exceptione opposita cognoscat? 4. quæ sit pena Advocati negligentis hanc exceptionem? 5. qualiter Judex, contra quem opponitur hæc exceptio, possit Actorem condemnare in expensas, qui Reum vocavit ad forum incompetens? Ad 1. Resp. quod opponi debeat statim in principio litis; alias enim jurisdictionis Judicis, contra quem opponitur, prorogabitur, si prorogationis capax sit, ut dicitur L. fin. C. de except. ibi: præscriptionem fori in principio litis litigatoribus opponendam esse legum decrevit auctoritas; quod confirmari potest ex respont. ad 4. Ad

Ad 2. Resp. quod statim, ubi Reus coram Judice comparuerit, dicendo: cum Actor conveniat me coram vobis, quem nego esse in hac causa competentem Judicem, peto, ut ab instantia absolvatur cum refusione expensarum. Ad 3. Resp. in L. 5 ff. de Jud. dici: Praetoris esse, estimare, an sua sit iurisdictione? quod videtur accipiendum, quando dubitatur, an causa, vel Reus conventus pertineat ad ejus forum? non autem, ubi constat de exemptione. Ad 4. Resp. ex L. penult. C. h. t. ibi: si quis Advocatus inter exordia litis pratermissam dilatoriam prescriptionem postea voluerit exercere, & ab hujusmodi opitulatione submotus, nihilominus perseveret, atque propositore defensioni insisterit, unius librae auri condemnatione mulctetur. Ad 5. Resp. talem Judicem, tametsi sit incompetens respectu cause principalis, esse competentem in causa competentiae, vel incompetentiae, seu, num talis causa spectet, vel non spectet ad suum forum? & ratione hujus consequenter etiam esse competentem, ut in expensas condemnetur eum, qui Reum ad forum incompetens evocavit.

<sup>2216.</sup> Dilatoriis exceptionibus praeterea annulerantur exceptio laudationis, preventionis, recusationis, loci non tuti, legitimationis, contumacia, non impetratae veniae, plus petitionis, prescriptionis moratoria, litis pendentis, libelli obscuri, beneficii competentiae, excussionis, seu ordinis, cedendarum actionum, spoli, testis jure inhabilis, præfestinationis, excommunicationis, &c. Exceptio laudationis, seu nominationis est qua competit habentia lumen sibi obligatum de evictione; nam talis in judicio conventus potest nominare taliter obligatum, & petere dilationem, dum de lite sibi mota commoneat, isque se resolvat, an ei velit in lite afflere? pro quo duo hic nota 1. si non affstat, nec compareat Venditor obligatus, Reum ex hac exceptione non absolvit; 2. si compareat in ipso processu, & liti affstat, dictam exceptionem respectu Emptoris evadere peremptoriam.

<sup>2217.</sup> Exceptio preventionis est, cum quis duabus Judicibus in eadem causa subiectus, & ab uno prius citatus, posteriori etiam vocatur ab altero; tali enim casu hunc opponere potest exceptionem preventionis.

Zom. II.

nis, nimis, se jam esse preventum ab altero in tali casu, de quo V. dicta à n. 329. exceptio recusationis est, cum Judex recusatur tanquam suspectus, de qua ex professo agimus tit. 28. & haec ante omnes alias, statim ante litis contestationem, opponenda est; ne opponendo alias, censeatur in Judicem consensisse, & propterea non possit ad istam redire. Unde not. omnes exceptions contra personam Judicis, vocari impeditivas judicii, & prejudiciales, sic dictas, quod prius discussandæ sint, quam in causa principali procedatur: Apertissimi vero juris est, lice re litigatoribus Judices delegatos, antequam lis inchoetur, recusare, ut dicitur L. 16. C. de Jud.

Exceptio loci non tuti habet hoc peculiare. t. quod opponi possit, etiam si in literis commissionis haberetur clausula: appellatione remotâ, ut dicitur in c. Ex parte 47. de appell. ibi: cum excusetur honeste, qui ad presentiam delegatorum Judicum non potest securè venire citatus, t uel tui quoties ad illos Judices vos evocari contigerit, ad quorum presentiam vobis periculosum est ire, liberè poteris appellare, etiam si in literis commissionis appellationis fuerit remedium interclusum, nisi Judices vobis assignent locum idoneum, & securum; Deinde, quod opponi possit etiam post litem contestatam, quod verum est de qualibet exceptione habente gravamen successivum, quantumvis sit dilatoria; talis enim semper opponi potest, dum durat gravamen; exceptio legitimationis est, cum opponitur alteri, quod non habeat legitimam personam standi in judicio; dum enim ad id se legitimet, differunt judicium, de quo diximus à n. 14. exceptio contumacia est, cum Reus comparrens in judicio, opponit Actoris contumaciam in comparendo præfixo termino, de quo egimus à n. 1294. exceptio non impetratae veniae conceditur illi, qui ex privilegio non potest vocari in judicium, nisi prius impetrata venia; de exceptione pateti conventi jam supra dictum est; exceptionem moratoria prescriptionis (Eise ne Brieff habent illi, qui rescripto Principis habent, ne intra certum tempus super contractis debitis convenientiantur.

Exceptio litis pendentis est, cum Actori opponitur litem super hac causa jam in

2218.

Dddd 2

alio

alio judicio coeptam, & adhuc pendentem esse; casus esse potest, si diffamatus coram uno Judice convenit diffamatorem, habentem plures Judices, ut vel probet, & agat in causa principali, vel perpetuum imponi silentium patiatur; & diffamatori, volenti probare, & agere in causa principali apud alium suum Judicem, cui subsit diffamatus, iste opponat exceptionem litis jam pendentis coram alio. Dubitatur tamen, an in hoc casu (quo diffamator evadit Actor, & diffamatus, Reus, esto hic prius fuerit Actor, & ille, Reus) exceptio efficax sit, ut diffamator diffamatum convenire non possit coram alio ipsius Judice, propter litis pendentiam coram alio? Resp. quod non; nam diffamatus vi L. diffamari, plus à diffamante nequit exigere, quam, ut vel probet delictum, super quo eum infamavit; vel subeat perpetuum silentium; sed hoc obtinet, esto diffamans id probet coram alio Judice; aliud est, si agenti contra hæredem, ne succedat propter vitium natalium, hæres opponat litem pendentem super quæstione natalium.

2220. Beneficium *competentia* in eo stat, ut quis non conveniatur, nisi in quantum facere potest salvo suo statu; hujus beneficii, seu privilegii exceptionem opponere potest, qui eo munitus conveniretur ultra id, quod potest salvo statu suo. Dubium est, an perimat, an solum differat petitionem Petitoris? hoc ultimum probabilius videtur; nam excipienti non prodest absolutes, etiam pro casu, quo ad pinguiorem fortunam veniret; igitur differt tantum; non autem perimit. Similiter exceptio *excussionis* solum dilatoria est, cum Creditori semper maneat jus agendi, causa quo Debitor principalis non sit solvendo; exceptio autem *cedendarum actionum* competit illi fidejussori, qui à Creditore convenitus, paratus est solvere, opponendo tamen, quod Creditor prius debeat ipsi cedere actiones, quas habet contra Confidejessores; quod etiam convenit exceptioni *divisionis*; de utraque videtur aliquid haberi L. 10. §. 1. de fidejussorib. ibi: ut autem is, qui cum altero fidejussit, non solum conveniatur, sed dividatur actio inter eos, qui solvendo sunt, ante condemnationem ex ordine postulari solet; & iusta duæ exceptiones cedendarum actio-

num, &c, divisionis, propter summam & quitatem, etiam post litis contestationem opponi possunt, ut colligitur ex L. cit. ibi: *ante condemnationem ex ordine postulari solet.*

De exceptione plus petitionis egimus à 2221 n. 523. libelli obscuri, à n. 474. testis jure inhabilis à n. 1646. præfestinationis à n. 2189. excommunicationis, à n. 62. præposterationis, à n. 2190. spolii in causis matrimonialibus, & aliis à n. 1227. Illud etiam hic annotandum, exceptionem dilatoria, in prima instantia neglectam, in secunda, seu judicio appellationis non admitti per L. 13. C. de Procurat. ibi: ita demum super lite prosequenda, quam tibi Mater mandavit, actionem intentare potes, si, cum primū litem contestareris, non est tibi eo nomine opposita præscriptio militiae, quod nec, cum appellatio agitur, tibi objici potest. Nam, si integræ res est, ratio perpetui editi acceptam tibi non permittit alieno nomine actionem intendere. Ecce, miles Procurator constitutus (contra quem poterat opponi exceptio legitimationis personarum) cum ageret in prima instantia, non fuit illi objecta exceptio: deinde in secunda instantia objiciebatur, quod Imperator Gordianus improbat.

#### ARTICULUS IV.

##### De exceptionibus peremptoriis.

Q Vid sit exceptio peremptoria, constat à n. 2189. peremptoriis annumeratur. 1. exceptio solutionis; 2. solemnis ob-signationis; 3. novationis, aut delegationis; 4. acceptilationis; 5. compensationis; 6. præscriptionis; 7. S. C. Vellejani; 8. S. C. Macedoniani; 9. dolii, metus, infactum obetrotem; 10. non numerata pecunia; 11. pacti de non pretendere; 12. jurisjurandi; 13. rei judicatae; 14. transactionis; 15. cessionis bonorum. Not. autem ex his quasdam esse, quæ dicuntur *litis finitæ*, quæ ante litis contestationem oppositæ, litis ingressum impediunt, si de illis constet; sic enim statim constat de Actoris contumacia; tales sunt exceptio jurisjurandi, transactionis, solutionis, præscriptionis, rei judicatae,